



Thor Thors, 1961

Bjarni Benediktsson – Stjórnmal – Dómsmálaráðherra – Heilbrigðismálaráðherra –
Iðnaðarmálaráðherra – Bréf –

Tekið af vef Borgarskjalasafnsins

bjarnibenediktsson.is

Einkaskjalasafn nr. 360
Stjórnmalamaðurinn
Askja 2-27, Örk 3

©Borgarskjalasafn Reykjavíkur

PERMANENT MISSION OF ICELAND
TO THE UNITED NATIONS

13. marz 1961

Góð vinur,

Eg vil hér með þakka þér fyrir síðustu samfundi og ánægju-
legar viðræður. Einnig bið eg þig að skila kærri kveðju til konu
þinnar og þakka fyrir gestrisni á ykkar heimili.

Aðallega vildi eg óska þér til hamingju með mikinn og sögu-
legan sigur í deilunni við Breta um landhelgi Íslands. Samkomu-
lagið er mun betra en nokkur gat vænst í upphafi deilunnar, og
sýnir það, að vel hefur verið haldið á málinu af hendi Íslendinga.
Aðal atriðið fyrir okkur var að vinna samúð annarra þjóða og fá
almenningsálitnið í heiminum á okkar sveif, og það tókst. Þetta
held eg að hafi verið bitrasta vopnið í baráttunni, en eg er þér
alveg sammála í því sem þú sagðir á Varðarfundinum, að samtöl for-
sætisráðherra og utanríkisráðherra við aðal valdamenn Breta í
síðasta þætti málsins, hafi haft úrslitaáhrif og ráðið mestu um
að samningar tókust svo giftusamlega. Það er víst að fólkið út
um heim lítur á úrslitin sem sigur Íslendinga, og hvert sem eg fer
í Washington eða hér hjá Sameinuðu þjóðunum eru allir að óska mér
til hamingju með sigur Íslendinga. Við höfðum um 300 manns í boði
hjá okkur hinn 2. marz, og rigndi þá yfir okkur úr öllum áttum
heillaóskum út af þessu máli, og ekki sízt frá ráðamönnum úr State
Department. Það er aðeins sorglegt, að Framsókn skyldi taka svona
heiptúðlega og heimskulega á þessu máli, og eru það lítil meðmæli

Hr. dómsmálaráðherra
Bjarni Benediktsson
Reykjavík

PERMANENT MISSION OF ICELAND
TO THE UNITED NATIONS

p. t. New York
2. október 1961

Kæri vinur:

Eg vildi mega óska þér til hamingju með forsætisráðherra-
starfið, þótt það komi ekki til af góðu að þú tekur við
því, og að um stundarsakir sé að ræða. En eg veit að þetta er
aðeins í fyrsta sinn, og vona að það verði oft síðar sem þú
tekur að þér þennan vanda.

Eg var því mjög feginn að heyra að Ólafur skyldi taka
þessa ákvörðun, því eg veit að það er honum fyrir beztu, og ekki
efast eg um, að hann kemur heim aftur hvíldur og styrkari en áður,
og ánægður með að takast á hendur aftur mikil störf.

Eg vona að hitta hann bráðlega aðeins til stutts við-
tals, því hann vill ekki koma til Washington, og kann að vera að
það sé einna skynsamlegast.

Eg orðlengi þetta ekki frekar. Eg veit að þú fylgist
með í því hvað hér er að gerast, bæði í Washington og á alls-
herjarþinginu.

Með kærum kveðjum til þín og konu þinnar frá okkur
Agústu.

Þinn einlægur,

Hr. forsætisráðherra
Bjarni Benediktsson
Reykjavík



PERMANENT MISSION OF ICELAND
TO THE UNITED NATIONS

13. nóvember 1961

Kæri vin,

Eg þakka þín vinsamlegu bréf frá 18. og 30. október.

Um forstjórarstarfið hjá Eimskip er það að segja, að mér barst að kvöldi 2. nóvember, bréf frá formanni félagsstjórnarinnar, vini mínum, Einari Baldvin, þar sem hann tjáir mér, að honum hafi verið falið af öllum mættum stjórnarmönnum að spyrja mig hvort eg vildi taka að mér forstjórarstarfið. Eg símaði þegar daginn eftir að eg vildi hugleiða málið í nokkra daga, og jafnvel skreppa til Reykjavíkur til að ráðgast við stjórn Eimskip og utanríkisráðherra.

Eg sendi þér hér með afrit af bréfi mínu, sem eg var að skrifa Einari Baldvin, en niðurstaðan varð sú, að eg tjáði honum með símskeyti þann 12. þ.m. að eg kysi heldur að starfa áfram að hagsmunum Íslands erlendis um stund. Afstaða mín er að öðru leyti skýrð í bréfinu til formanns stjórnarinnar, og munt þú sjá af því, að mér var mikill vandi á herðum, en eg veit að þetta mál mun leysast á heppilegan hátt fyrir Eimskip.

Mér þykir leitt að heyra um vandamál Gísla Jónssonar vegna Haraldar sonar hans. Gísli er einnig góður vinur minn, og vildi eg gjarnan geta leyst vanda hans, en þó finnst mér að alls ekki hefði til mála komið að senda svo óreyndan mann beint til Washington. Guðmundur Í. skrifaði mér einnig um þetta mál, og hefi eg nú svarað honum og sent umsóknareyðublöð fyrir Harald til að sækja

Hr. forsætisráðherra
Bjarni Benediktsson
Reykjavík

um starf sem "trainee" hjá Sameinuðu þjóðunum, en það er það einasta starf, sem eg tel að nokkur von væri til að fá, þar sem ágengnin er orðin alveg gífurleg um störf nú þegar aðildarríkin eru orðin 103. Nú er orðið svo að til þess að komast inn í byggingu Sameinuðu þjóðanna eða í starf þurfa menn helzt að vera dökkir á lit.

Blessaður,

Thor

13. nóvember, 1961

Eg vil hér með þakka þér innilega fyrir þitt vinsamlega bréf frá 1. þ.m. þar sem þú skýrir mér frá því, að þér hafi verið falið af öllum mettum stjórnarmönnum Eimskipafélags Íslands að spyxja mig, hvort eg vildi taka að mér framkvæmdastjórastarfið þar, þegar það losnar nú, er Guðmundur Vilhjálmsson lætur af störfum.

Mér þótti að sjálfsögðu vænt um að stjórn Eimskips vill sýna mér svo mikið traust, og fannst mér það mjög freistandi að taka við þessu glæsilega tilboði. Eg vildi þó íhuga málið og ráðgast við konu mína og syni, sem báðir eru kvongaðir og búsettir hér, í Washington og í New York. Mér er það ljóst að starf forstjóra Eimskipafélags Íslands er mjög vandasamt og í mörg horn er að líta í rekstri svo stórs fyrirtækis. Enda þótt okkur hjónunum langi oftsinnis til að flytjast búferlum heim, þá varð hin endanlega niðurstaða af þessum hugleiðingum að eg kaus heldur að starfa áfram að hagsmunum Íslands hér í Bandaríkjunum, að minnsta kosti um stund, enda er starf mitt hér æði margbrotið, þar sem eg er sendiherra í mörgum löndum hér í Vesturheimi, og hef auk þess allan ársins hring mikil störf sem sendiherra Íslands hjá Sameinuðu þjóðunum.


Mér er það ljóst að eg hefi gefið frá mér mikið og glæsilegt tækifæri, og eigi eg eftir að sjá eftir því, þá get eg mér einum um kennt.

Hr. hestarettarlögmaður
Einar B. Guðmundsson
Vífimel 27, Reykjavík

Eg vil enn á ný biðja þig að færa öllum stjórnarmönnum kærar kveðjur frá mér með þakklæti fyrir þeirra vinsamlega og mikilsverða tilboð. Eg veit að stjórn Eimskips getur valið um marga mjög hæfa menn, og óska eg þess að valið megi takast svo að hagur og vegur Eimskips blómgi á komandi árum.

Með kærri kveðju.

Þinn einlægur,



[Faint, mostly illegible text, likely bleed-through from the reverse side of the page. Some words like 'þess', 'þess', 'þess' are visible.]

Dr. Þorsteinn Thors
Sími 11, Reykjavík